



SAKSFRAMLEGG

Sakshandsamar: Jan Erik Boge	Arkivkode: FE-151
Arkivsaksnr: 21/392	Løpenr: 21/4525
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	27.05.2021	034/2021
Kommunestyret		

Premiss budsjett 2022 og økonomiplan 2022-2025

27.05.2021 Formannskapet:

Handsaming i møtet:

Premiss budsjett og økonomiplan 2022 2025, foreslått av Knut Harald Frøland, Bygdalista

Fleirbrukshall/ idrettshall

Samnanger kommune vedtar å byggje fleirbrukshall/ idrettshall med målsetting om at hall skal stå ferdig bygd i 2024 eller tidlegare.

Med utgangspunkt i tidlegare utførte moglegheitsstudier skal det utarbeidast prosjektplan for bygging av fleirbrukshall/ idrettshall på følgjande alternative plasseringar: Tysse, Gjerde, Hagabotnane og Lauskar. Prosjektplan skal leggjast fram til handsaming i kommunestyre 02.12.2021, eller tidlegare.

Ordførar blir prosjektleiar for utarbeiding av prosjektplan og har fullmakt til å inngå avtale med ekstern rådgivar. I tillegg vil det vere naturleg at også administrasjonen bidrar med ressursbruk til fullføring av prosjektplan etter forespørsel frå ordførar. Det er og ei forventning at ordførar har tett dialog med frivillige lag i Samnanger kommune ved utarbeiding av prosjektplan.

Til utførelse av prosjektplan blir det satt av kr. 300.000 med finansiering frå tildelte midlar frå fylkeskommunen. Ordførar avgjer statusrapport til formannskapet.

Gjeld

Det skal til kommunestyremøte 10.06.21 leggjast fram eventuelle forslag til justeringar av rentevilkår for eksisterande lånegjeld og ny lånegjeld.

Netto driftsresultat

Kommunen skal planlegge for eit netto driftsresultat på minimum 1,75 %.

Budsjett

Budsjett for VA, kontrollutval, kyrkje og barnevernsutval skal leggjast fram som eigne politiske saker ved handsaming av budsjett og økonomiplan.

Kommunebarometeret

Resultat frå kommunebarometeret presenterast som eige sak til formannskapsmøte 11.11.21, eller tidlegare.

Vurdering innkjøpsavtaler

Det skal til formannskapsmøte 11.11.21, eller tidlegare, gjennomførast vurdering av eksisterande innkjøpsavtaler og leggjast fram eventuelle forslag til forbetrande tiltak.

Flaggstang omsorgsbustader

Flaggstang ved omsorgsbustader på Haga som vart fjerna vinteren 2021 skal setjast opp att.

Merking/ skilting av offentlege bygg

Offentlege bygg i Samnanger skal merkjast med namn. Administrasjonen skal leggje fram framdriftsplan og kostnad med arbeidet til formannskapsmøte 11.11.21, eller tidlegare.

Forslag til bygging av idrettshall i Hagabotnane., foreslått av Odd Arne Haga, Framstegspartiet
Dersom me skal bygg ein idrettshall ein annan plass enn Hagabotnane, som Gjerde, vil det bli kostbart og ta lang tid. Tid å pengar me ikkje har.

Det er allerede utført tre mulighetsstudier av Gjerde skule, hvorav ein konkluderer med at Gjerde skule ikkje er eigna for bygging av idrettshall. De andre to konkluderer med at hallen vil koste mellom 70 til 100 mill, utan at infrastrukturen er vurdert eller kostnadsberekna. Ein idrettshall på Gjerde vil ha ei tidsramme på 6 mnd for beslutning, 1 års arbeid med å utarbeide reguleringsplan. Tre til fem års reguleringsprosess som er normert tid for reguleringsplaner som skaper trafikale konflikter i boligområder pluss ca to års byggetid, totalt 6 til 7 år. I beste fall vil vi da ha en idrettshall klar i 2028, dersom fylkesmannen godkjenner låneopptak i 100 millionersklassen.

Mulighetsstudien for Idrettshall i Hagabotnane viser at denne vil koste ca 12 mill, hvorav halvparten er tilskot fra tippemidler og fylkje. Hagabotnane er ferdig regulert for idrettshall, har all infrastruktur på plass og ifølge mulighetsstudien vil ein hall kunne stå klar eit år etter at beslutning er tatt. Mulighetsstudien konkluderer også med at ein idrettshall må bygges i tilknytning til sentralidrettsanlegget for å få synergieffekter til fotball og annan idrett.

Den viktigste grunnen til at det haster med å få opp ein idrettshall er hensynet til eldrebølgen og demenssyndromet. Forskning har vist at den einaste metoden for å hindra demens er trening. Trening er eit effektivt middel for å hindre årsakene til demens som hjerte og karsykdommer, ensomhet, depresjon, fedme og hjernevirksomhet, etc. Det har også vist seg at trening hjelper pasienter som allerede er råka av demens. Vi har ikkje tid til å vente til 2028 dersom me skal stoppe demensbølgen som er spådd å komme om ca 10 år. I tillegg vil det være ein stor fordel å kunne trene fotball innendørs om vinteren og håndballaget vårt slepp å reise til Bergen for å trene.

Forslag;

Det besluttes å starte arbeidet med å bygge ein fleirbrukshall i Hagabotnane. Ordføraren vil være prosjektleder for gjennomføringen av prosjektet.

Handsaming:

Knut Harald Frøland (Bl) sette fram framlegg til vedtak.

Odd Arne Haga (Frp) sette fram framlegg til vedtak.

Shirin Kvernes Khadoor (Ap) orienterte om nokre punkt som ho ønska å spela inn i saka. Ho hadde ikkje formulert desse punkta skriftleg, men det vart seinare under handsaminga avklart at ho fekk høve til å senda punkta inn skriftleg etter møtet.

Knut Harald Frøland sette så fram framlegg om at dei innsende forslaga til premissar vert oversende til kommunestyret (inkludert eventuelle innsende forslag frå Shirin Kvernes Khadoor). Han orienterte samstundes om at han ønska å stryka avsnittet "Gjeld" i forslaget sitt til premissar.

Knut Harald Frøland sitt sistnemnde framlegg vart samrøystes vedteke.

(Merknad: Punkta frå Shirin Kvernes Khadoor/Samnanger Ap vart sendt inn skriftleg på kvelden 27.05.2021, og er som følgjer:

Samnanger AP - Innspel til drøfting: premiss for handsaming av budsjett for 2022

SFO - Opning i ferie: Redusere frå mellom 5 og 6 veker stengt, til 4 veker stengt i sommarferie (framlegg til vedtak):

Samnanger kommunestyre ønskjer å få opp eigen sak knytt til å redusere stengjetid i ferieveker på SFO. Kommunestyret ber administrasjonen utarbeide ei kostnadsoversikt og utgreiing kring andre element som vil ha innverknad på budsjetteringa knytt til ei slik omgjerung av kommunens SFO-tilbod.

Heile, faste stillingar og sikring av lokal kompetanse

Samnanger AP ønskjer at det i enda større grad skal arbeidast aktivt med at heile, faste stillingar skal vera norma i kommunen. Det er i tillegg eit viktig moment at det aktivt vert arbeidd med å behalda kompetansen me har lokalt. I t.d. tilfelle der tilsette har teke fagbrev, vidareutdanning eller på anna vis har skaffa eller heva sin kompetanse, er det viktig for Samnanger at me gjer oss attraktive og kan tilby fast arbeid.

Me meiner det her hadde vore føremålstenleg å få ei orientering om status på dette er per i dag, samt korleis det vert jobba med dette i kommuneorganisasjonen. Me ønskjer også å høyre frå administrasjon, einingsleiarar og tillitsvalde kva behov som finst kva gjeld bemanning og andre tilhøve knytt til både å levere gode tenester, samt sikra gode arbeidstilhøve.

Fokus på kvalitet i tenester og eit godt arbeidsliv - kommunebarometer, kvalitetsdialog

Samnanger AP ønskjer at det i samband arbeid med budsjett vert lagt opp til dialog og samarbeid med einingsleiarar, administrasjon og tillitsvalde, gjerne i form av noko liknande det som har var kalla "kvalitetsdialog" som vart gjennomført i føregåande periode. Det er nyttig for kommunestyrets representantar å få god innsikt i moglegheiter og utfordringar i heile kommuneorganisasjonen, slik at me er betre rusta til å arbeide aktivt opp mot kommunens budsjett og kva prioriteringar som trengs. Både drøfting kring kommunebarometeret og god innsikt, gjennom direkte dialog, i den praktiske kvardagen i einingane kan bidra til at me betre kan arbeide målretta i kommunestyret.)

FORM- 034/2021 Vedtak:

Dei innsende framlegga til premissar vert oversende til kommunestyret.

Rådmannen sitt framlegg til vedtak:

Saka vert sett fram utan framlegg til vedtak frå rådmannen.

Kva saka gjeld:

Det er ikkje skrive saksframlegg i denne saka.